

**GOVERNMENT OF MIZORAM
OFFICE OF THE DEPUTY CONSERVATOR OF FOREST
AIZAWL WILDLIFE DIVISION, AIZAWL : MIZORAM**

No. B.15014/1/2012-WL/144

Dated Aizawl, the 22nd Jan/24

CIRCULAR

**WILDLIFE (PROTECTION) ACT, 1972 (NUNGCHA HUMHALHNA DAN) BAWHCHHIAT
VANGIN MI PAHNIH (2) MAN AN NI**

Kar hmasa Zirtawpni (19.1.2024) khan Wildlife (Protection) Act, 1972 (Nungcha Humhalhna Dan) Section 9 bawhchhiaa thang chi hrang hrang hmanga Sava leh Nungcha dang tam tak tihlum tu leh an chet dan video Youtube channel-a upload thin mi pahnih -

- 1) Vanengmawia
S/o Dotawna
Lungmawi, Hnahthial District; leh,
- 2) PC Malsawmzuala
S/o PC Ramsanga
South Vanlaiphai; Hnahthial District

te chu EF&CC department hnathawktuten manin heng mi pahnihte hi Wildlife (Protection) Act, 1972 hnuaiah pawisa chawi tira hrem an ni. An Youtube channel-a an thangkam dan leh nungcha chi hrang hrang an tihlumna video pawh nawhreh (delete) tir an ni a, an thangkamna hmanrua te pawh man saka halsal sak an ni baw. Vanengmawia hi Rs. 5,000/- chawitir a ni a, P.C Malsawmzuala hi an chhungkaw khawsak dinhmunte enin Rs. 4,000/- chawitir a ni.

Tun laiin Youtuber inti mi thenkhat ten youtube channel siamin ramhnuai nungcha an pel lai leh thang chi hrang hrang hmanga sava leh nungcha dang an ti hlum lai video an upload thin tih hriat a ni a. Tin, ramsa leh sava sa 'mukbang' thin te pawh a awm tih hriat a ni baw a. Hengte hi dan kalh an nih bakah mi midangte hnenah nungcha laka hleilenna kawngah a tha lo zawngin nghawng a neih theih avangin EF&CC Department chuan a ngai thutak hle a. Hetiang tih chingte hi chhui mek an ni a, man chhuah an nih chuan dan anga hrem an ni ang. Dan ang chuan hetiang ti tute hi kum thum thleng Lung In tantir emaw, Rs. 25,000/- (singnih sangnga) thleng chawitir emaw, a pahnih hmang pawha hrem kawp theih an ni. Tin, mipuite pawh hetiang tih chingte zawn chhuah kawngah EF&CC Department thlawp tlat tur leh a tul anga min thawhpui zel turin kan sawm nghal baw.

Mizoram rohlu - kan ramngaw leh nungcha te nasa leh zuala humhalh kawngah min thawhpui zel turin EF&CC Department chuan NGO- te leh mi zawng zawng a ngen nawn leh a ni.

Sd/- PC LALTANPUIA
Deputy Conservator of Forest


Turn over

Memo No.B.15014/1/2012-WL/144

Dated Aizawl, the 22nd Jan/24

Copy to

- 1) Principal Chief Conservator of Forest, Mizoram for favour of information.
- 2) Chief Wildlife Warden, Mizoram for favour of information.
- 3) News Editor, LPS/ZONET Cable Pvt. Ltd. An Cable zahawm takah News Item-a min lo puanzar sak tura ngen an ni.
- 4) Web Manager, PCCF's Office. Department Website-a lo upload tura ngen a ni.

A handwritten signature in blue ink, followed by a horizontal line and the date "22/1/2024" written below it.

Deputy Conservator of Forest
Aizawl Wildlife Division
Aizawl, Mizoram